



*Selasa, 29 Agustus 2023*

**Ogen : I Samuel 25:23-27**



**Mindo Perkuah Ate**



Abigai, sekalak diberu si mejile janah cerdas. Turi-turi kegehenna mereken pengajaren man banta selaku ndehara. Perbulangenna ngelakoken perbahanen si la morat dengen megombang man kalak sideban terkhusus man Daud ras suruh-suruhenna. Kenca ietehna perbahanen perpulangenna e minter idaraminna dalam pulah segelah perbulangenna pe selamat, tambah tolona ngarap maka Daud la ndabuh kubas dosa. Ibuatna me pangan, itanggerkenna janah itaruhkenna man Daud. Dauh-dauh nari idahna Daud minter ia nusur bas keledena nari jenari erjimpuh ia ku taneh i tapak-tapak nahe daud. Semalana kalak erjimpuh nuduhken kinihamaten ras kiniteruken ukur. Ipindona perkuah ate Daud segelah la nehken rawana, bagepe ngit ia mersan kesalahen perbulangenna. Pengarapenna segelah Daud banci ngaloken pemere sienggo isikapkenna rikut ras ngalemi salah silakoken perbulangenna.

"Kalak si salah kita si robah" kata enda mekatep ibelasken segelah bas kesalahen kalak sideban nari banci kita erlajar. Abigail ngelakoken e bas kegeluhenna. Labo ia siersalah tapi ia ngit mersan kesalahen e. Kiniteruken ukurna teridah arah ngitna ia mindo perkuah ate Daud. Alu meseksek ipindona sie, Zac Poonen ngataken maka "Kerendahan hati adalah langkah pertama menuju keselamatan". Tuhu teridah buahna kiniteruken ukur Abigai maba keselamatan ras kedamen.

Meteruk ukur eme buah kiniteken. Biak sibage arus tetap ersada ras kita. kegeluhen manusia sada pe labo lit siserta. Kiniersadanta sada ras sidebanna mabai kita segelah banci saling ngkuhi kegeluhen. Banci jadi enggo melala sinialoken kesuksesen entah kiniulin bas kegeluhen enda, igejapkenna sie kerina labo erkiteken beluhna entah pentarna tapi perkuah ate Dibata. Pakekenlah kerina silit e guna ngerehken kiniulin bas geluh dengen tetap meteruk ukur.

